




御製重刻通典序

稽古帝王治天下之大經大法以及累朝名物制度因革損益之詳紛綸浩博散見典籍未有統貫唐宰相杜佑於爲淮南節度書記時始出己意搜討類次勒成一書名曰通典爲類八爲書二百卷自唐肅代開上溯唐虞雖亦稍據劉秩政典及開元新禮諸書要其網羅百代兼總而條貫之斯已勤矣厥後鄭樵廣之作通志馬端臨續之作通考三書竝行於世朕以其歷年久遠頗有殘缺特命重爲校正刊刻以廣其傳通典實先告竣朕惟三書各有意義鄭樵主於考訂故畝及細微馬端臨意在精詳故開出論斷此書則佑自言徵於人事將施有政故簡而有要核而不文觀其分門起例由食貨以訖邊防先養而後教先禮而後刑設官以治民安內以馭外本末次第具有條理亦恢恢乎經國之良模矣書曰學於古訓乃有獲爲國家者立綱陳紀斟酌古今將期與治同道而不泥其迹則是書實考鏡所必資豈以供博覽而已哉爰揭之以告讀是書者

乾隆丁卯冬十二月



通典原序

唐 左 補 闕 李 翰 撰

儒家者流博而寡要勞而少功何哉其患在於習之不  
精知之不明人而不得其門行而不由其道何以徵之  
夫五經羣史之書大不過本地設君臣明十倫五教  
之義陳政刑賞罰之柄述禮樂制度之統究治亂興亡  
之由立邦之道盡於此矣非此典者謂之無益世教則  
聖人不書學者不覽懼冗煩而無所從也先師宣尼祖  
述堯舜憲章文武七十子之徒宣明大義三代之道百  
世可師而諸子云云猥復制作由其門則其教已備反  
其道則其人可誅而學者以多聞為廣見以異端為博  
聞是非紛然涇洞茫昧而無條貫或舉其中而不知其  
本原其始而不要其終高談有餘待問則泥雖驅馳百  
家日誦萬字學彌廣而志彌惑聞愈多而識愈疑此所  
以勤苦而難成殆非君子進德修業之意也今通典之  
作昭昭乎其警學者之羣迷歟以為君子致用在乎經  
邦經邦在乎立事立事在乎師古師古在乎隨時必參  
古今之宜窮終始之要始可以度其古終可以行於今  
問而辨之端如貫珠舉而行之審如中鵠夫然故施於  
文學可為通儒施於政事可建皇極故採五經羣史上  
自黃帝至於有唐天寶之末每事以類相從舉其始終  
歷代沿革廢置及當時羣士論議得失靡不條載附之  
於事如人支脈散綴於體凡有八門號曰通典非聖人  
之書非聖人微旨不取焉惡煩雜也事非經國禮法程  
制亦所不錄棄無益也若使學者得而觀之不出戶知  
天下未從政達人情罕更事知時變為功易而速為學  
精而要其道直而不徑其文甚詳而不煩推而通放而

準語備而理盡例明而事中舉而措之如指諸掌不假  
從師聚學而區以別矣非聰明獨見之士孰能修之淮  
南元戎之佐曰尙書主客郎京兆杜公君卿雅有遠度  
志於邦典篤學好古生而知之以大歷之始實纂斯典  
累年而成杜公亦自為序引各冠篇首或前史有闕申  
高見發明以示勸戒用存景行近代學士多有撰集其  
最著者御覽藝文玉燭之類網羅古今博則博矣然率  
多文章之事記問之學至於刊列百度緝熙王猷至精  
至粹其道不雜比於通典非其倫也於戲今之人賤近  
而貴遠昧微而嗜著得之者甚鮮知之者甚稀可為長  
太息也翰嘗有斯志約乎舊史圖之不早竟為善述者  
所先故頗詳旨趣而為之序庶將來君子知吾道之不  
誣也左補闕李翰序

Table with multiple columns and rows of text, likely a ledger or record book. The text is extremely faint and illegible.

Table with multiple columns and rows of text, likely a ledger or record book. The text is extremely faint and illegible.

Table with multiple columns and rows of text, likely a ledger or record book. The text is extremely faint and illegible.

奉  
旨開列校刻通典諸臣職名

監理

和碩親王 王弘晝

武英殿總裁

吏部右侍郎 耶臣德齡

兵部左侍郎 耶臣王會汾

國子監祭酒 陸宗楷

提調

署 日講官起居注翰林院侍讀學士 臣林蒲封

原任詹事府詹事翰林院侍讀學士今加七品銜 臣陳浩

校對

日講官起居注翰林院侍讀學士 臣齊召南

左春坊左諭 德臣羅源漢

日講官起居注翰林院編修 臣陳大喻

翰林院編修 臣陸樹本

翰林院編修 臣葉酉

翰林院編修 臣程景伊

翰林院編修 臣儲麟趾

翰林院編修 臣邱柱

翰林院編修 臣程恂

翰林院編修 臣阮學浩

翰林院編修 臣萬松齡

翰林院編修 臣史貽謨

翰林院編修 臣

翰林院編修 臣

翰林院編修 臣

翰林院編修 臣

翰林院編修 臣

翰林院編修 臣

翰林院編修 臣

通典 職名

貢 生 謝霖

貢 生 劉岱

貢 生 杜桂

貢 生 申居郎

貢 生 楊志梁

貢 生 李泓

貢 生 盧殿人

武英殿監造

內務府南苑郎中兼佐領加七級紀錄二十一次 臣雅爾岱

內務府錢糧衙門郎中兼佐領加六級紀錄十六次 臣永保

內務府錢糧衙門員外郎兼佐領加一級紀錄四次 臣永忠

內務府廣儲司員外郎 臣永泰

內務府廣儲司庫加一級紀錄五次 臣三格

監造 加一 級 臣李保

監造 加三 級 臣姚文彬

庫 掌 臣虎什泰

庫 掌 臣高永仁

舉 人 劉湘

貢 生 潘輝



通典總目

食貨 凡一十二卷

卷一 至 卷十二止

選舉 凡六卷

卷十三 至 卷十八止

職官 凡二十二卷

卷十九 至 卷四十止

禮 凡一百卷 歷代沿革六十五卷 開元禮三十五卷

卷四十一 至 卷一百四十止

樂 凡七卷

卷一百四十一 至 卷一百四十七止

兵 凡十五卷

卷一百四十八 至 卷一百六十二止

刑 凡八卷

卷一百六十三 至 卷一百七十止

州郡 凡十四卷

卷一百七十一 至 卷一百八十四止

邊防 凡十六卷

卷一百八十五 至 卷二百止

其各卷細目詳載本門卷首





唐 京兆杜佑君卿纂

伯少嘗讀書而性且蒙固不達術數之藝不好章句之學所纂通典實采羣言徵諸人事將施有政夫理道之先在乎行教化教化之本在乎足衣食易稱聚人日財洪範八政一曰食二曰貨管子曰倉廩實知禮節衣食足知榮辱夫子曰既富而教斯之謂矣夫行教化在乎設職官設職官在乎審官才審官才在乎精選舉制禮以端其俗立樂以和其心此先哲王致治之大方也故職官設然後典禮樂焉教化廢然後用刑罰焉列州郡俾分領焉置邊防過戎狄焉是以食貨為之首十二選舉次之六職官又次之二十禮又次之卷百樂又次之七刑又次之卷大刑用甲兵十五州郡又次之卷十四邊防末之十六或覽之者庶知篇第之旨也本初纂錄止於天漢論者亦便及以後之事

食貨

第一田制上

第二田制下 水利田 屯田

第三鄉黨 土斷 版籍並附

第四賦稅上

第五賦稅中

第六賦稅下

第七歷代盛衰戶口 丁中

第八錢幣上

第九錢幣下

第十漕運 鹽鐵

第十一鬻爵 權酷 算緡 雜稅 平準均輸

第十二輕重

食貨一

田制上唐魏 周 秦 漢 後漢 晉 宋 後

穀者人之司命也地者穀之所生也人者君之所治也其穀則國用備辨其地則人食足察其人則徭役均知此三者謂之治政夫地載而不棄也一著而不遷也國固而不動則莫不生殖聖人因之設井邑列比閭使察黎民之數賦役之制昭然可見也自秦孝公用商鞅計乃墾經界立阡陌雖獲一時之利而兼并踰僭與矣降秦以後阡陌既弊又謂隱覈在乎權宜權宜憑乎簿書簿書既廣必藉眾功藉眾功則政由羣吏政由羣吏則人無所信矣夫行不信之法委政於眾多之胥欲紀人事之眾寡明地利之多少雖申商督刑撓首總算亦不可得而詳矣不變斯道而求理者未之有也夫春秋之義諸侯不得專封大夫不得專地若使豪人占田過制富等公侯是專封也買賣由己是專地也欲無流窳不亦難乎陶唐以前法制簡略不可得而詳也及堯遭洪水天下分絕使禹平水土別九州其分別疆理所冀州厥土惟白壤無塊厥田惟中中田兗州厥土黑墳墳起厥田惟中下第青州厥土白墳厥田惟上下第徐州厥土赤墳墳土黏日墳厥田惟上中第揚州厥土惟塗泥濕厥田惟下下第荊州厥土惟塗泥塗惟下中第荊河豫州厥土惟壤下土墳壚高者壤下者惟下中第梁州厥土青黎色青黑也厥田惟上下第雍州厥土惟黃壤厥田惟上上第九州之地定墾者九百一十萬八千二十頃虞夏殷三代凡千餘載其閒定墾書冊不存無以詳焉○周文王在岐今扶風郡岐山縣用平土之法

以爲治人之道地著爲本地著謂安土故建司馬法六尺爲

步步百爲畝畝百爲夫夫三爲屋屋三爲井井十爲通

通十爲成成十爲終終十爲同同方百里同十爲封封

十爲畿畿方千里故邱有戎馬一匹牛三頭甸有戎馬

四匹兵車一乘牛十二頭甲士三人步卒七十二人一

同百里提封萬井戎馬四百匹車百乘此卿大夫采地

之大者是謂百乘之家一封三百六十六里提封十萬

井定出賦六萬四千井戎馬四千匹車千乘此諸侯之

大者謂之千乘之國天子之畿內方千里提封百萬井

定出賦六十四萬井戎馬四萬匹兵車萬乘戎卒七十

二萬人故曰萬乘之主小司徒之職乃均土地以稽其

人民而周知其數上地家七人可任也者家三人中地

家六人可任也者二人家五人下地家五人可任也者家

二人鄭元曰均平也周猶偏也一家男女七人以上則

以下地所養者寡也正以七人六人為率者有夫

有婦然後爲家自二人以至千九等七六五者爲

其中可任謂丁強任力役之事者出老乃經土地而井

牧其田野九夫爲井四井爲邑四邑爲邱邱爲甸四

甸爲縣四縣爲都均以任地事而令貢賦凡稅斂之事此

造郡郡也采地制井田異於鄉遂重立國名司徒爲經

之立其五溝五塗之界其制似井田而異也謂之

有九夫爲井二井爲一井今造都鄙授民田有不易

之易有再易通率二而當一井今造都鄙授民田有

在虞思有田一成而當一井今造都鄙授民田有

牧之法先古然矣九夫爲井者方一里九夫所治之

也四井爲邑方二里四井爲一里四井所治之

六里旁加一里則方三里六里爲一里六里所治之

給徭任土之法以物地事投地職而待其政令任其力役也任土之法以物地事投地職而待其政令任其力役也任土之法以物地事投地職而待其政令任其力役也

勢所宜之舉而投農牧使職之以廬里任國中之地以場圃任園地以宅田土田買田任近郊之地以官田牛田賞田牧田任遠郊之地以公邑之田任何地以家邑之田任稍地以小都之田任縣地以大都之田任疆地以里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣

田任疆地也里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣

田任疆地也里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣

田任疆地也里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣廬里居之區域園為之園田里居者若今邑居里矣

末賈誼說上曰古之治天下至熾至悉故其畜積足恃今昔本而趨末遊食者甚眾是天下之大殘也本農工商也言人已棄農而務工商矣漢之為漢幾四十年食米粟者又甚眾也殘謂傷書漢之為漢幾四十年矣幾公私之積猶可哀痛而無儲積已多即不幸有方二千里之旱國胡以相恤卒然邊境有急數十萬之眾國胡以餽之兵早相乘天下大屈今歐人而歸之農皆著於本使天下各食其力未伎遊食之民轉而緣南畝言皆趨則畜積足而人樂其所矣帝威誼言始開籍田躬耕以勸百姓詔曰夫度田非益寡而計民未加益謂量以口量地其於古猶有餘而食之甚不足者其咎安在無乃百姓之從事於末以害農者蕃多為酒醪以靡穀者多讀曰靡六畜之食焉者眾與細大之義吾未能得其中反其與丞相列侯吏二千石博士議之有可以佐百姓者率意遠思無有所隱也晁錯復說曰聖王在上而民不凍飢者非能耕而食之織而衣之讀曰為開其資財之道也故堯禹有九年之水湯有七年之旱而國亡捐瘠者捐謂人饑相棄捐也瘠瘦病以畜積多而備先具也今海內為一土地人民之眾不避湯禹加以亡天災數年之水旱而畜積未及者何也地有遺利民有餘力生穀之土未盡墾山澤之利未盡出也遊食之民未盡歸農也民貧則奸邪生貧生於不足不足生於不農不農則地著不地著則離鄉輕家民如鳥獸雖有高城深池嚴法重刑猶不能禁也夫寒之於衣不待輕煖荷禦風霜饑之於食不待甘旨自美饑寒至身不顧廉恥夫腹饑不得食膚寒不得衣雖慈父不能保其子君安能以有其民哉明主知其然也故務農桑薄稅斂廣畜積以實倉廩備水旱故民可得而有也

是故明君貴五穀而賤金玉今農夫五口之家其服役者不下二人也服事其能耕者不過百畝百畝之收不過百石春耕夏耘秋穫冬藏伐薪樵治官府給徭役春不得避風塵夏不得避暑熱秋不得避陰雨冬不得避寒凍四時之閒亡日休息又私自送往迎來弔死問疾養孤長幼在其中勤苦如此尙復被水旱之災急政暴賦賦斂不時朝令而暮改當其有者半價而賣本值千金百亡者取倍稱之息取一償二為倍稱舉於是賣田宅鬻子孫以償債者矣方今之務莫若使民務農而已矣欲民務農在於貴粟貴粟之道在於使民以粟為賞罰帝從之其後務教農本倉廩充實孝景元年制曰開者歲比不登民多乏食天絕年朕甚痛之郡國或地磽陬無所農桑繫畜或地饒廣薦草莽草謂曰蕪水泉利而不得徙其議民欲徒寬大地者聽之後元三年詔曰農天下之本也黃金珠玉飢不可食寒不可衣以為幣用不識其終始開歲或不登意為末者眾農民寡也其令郡國務勸農桑益種樹可得衣食物孝武外事四夷內興功利役費並興而民去本董仲舒說上曰春秋它穀不書至於麥禾不成則書之以此見聖人於五穀最重麥與禾也今關中俗不好種麥是歲失春秋之所重而損生民之具也願陛下幸詔大司農使關中民益種宿麥令母後時宿麥謂苗經冬仲舒又說上曰秦用商鞅之法改帝王之制除井田民得買賣富者田連阡陌貧者無立錫之地漢興循而未改古井田法雖難卒行宜少近古限民名田以贖不足使富者過制則貧弱之家可足塞井兼之路然後可善治也竟不能用元狩三年造謂者勸種宿麥舉吏人能假貸貧人者以名聞及末

年帝悔征伐之事乃封丞相田千秋為富民侯下詔曰  
方今之務在於力農以趙過為稷粟郡尉過能為代田  
一晦三剛剛也音工大歲代處故曰代田也代易古法  
也后稷始剛田以二耜為耦併兩耜廣尺深尺曰剛長  
終畝一畝三剛一夫三百剛而播種於剛中播布也  
苗生葉以上稍耨草耨也因隲其土以附苗根隲謂  
類故其詩曰或芸或耔黍稷擬擬音擬小雅甫田之詩  
芸除草也存附根也言苗稍壯每耨輒附根比必能盛  
暑隲盡而根深能風與旱日能讀故擬擬而盛也其耕耘  
下種田器皆有便巧率十二夫為田一井一屋故畝五  
頃九夫為井三夫為屋夫百畝於古為十二頃古百步  
頃為畝漢時二百四十步為畝古千二百畝則得今五  
頃用耦犁二牛三人一歲之收常過緩田畝一斛以上  
緩田謂不剛善者倍之善為剛者又過使教田太常  
三輔音莫幹主諸陵有大農置工巧奴與從事為作田器  
二千石遣令長三老力田及里父老善田者受田器學  
耕種養苗狀為法民或苦少牛無以趨澤趨讀曰越及  
澤故平都令光教過以人輓音輓引也史過奏光以  
為丞教民相與庸輓庸功也言換功其率多人者田  
日三十晦少者十三晦以故田多墾過試以離官卒  
田其官墾而緣離官別處之官非天子所常居也墾  
也諸緣河墾地離官墾地謂外垣之內內垣之外  
離官卒間而無事因於墾地為田謀得穀皆多其  
旁田晦一斛以上令命家田三輔公田令使官卒教  
其家田又教邊郡及居延城居延張掖縣也是後邊城  
河東弘農三輔太常民皆便代田用力少而得穀多至  
孝昭時流民稍還田野墾闢頗有畜積孝宣地節三年  
詔曰郡國宮館勿復修治流民還歸者假公田貸種食  
穀種五

者振業貧民江海波湖園池屬少府者以假貧民勿租  
賦建昭五年詔曰方春農桑興百姓勤力自盡之時也  
故是月勞農勸桑無使後時今不良之吏覆按小罪徵  
召證按與不急之事以妨百姓使失一時之作亡終歲  
之功公卿其明察申赦之孝成帝之時張禹占鄭白之  
渠四百餘頃他人兼井者類此而人彌困陽朔四年正  
月詔曰夫洪範八政以食為首斯誠家給刑錯之本也  
先帝勤農薄其租稅寵其強力令與孝弟同科聞者民  
彌情念鄉本者少趨末者眾將何以矯之方東作時其  
令二千石勉勸農桑出入阡陌致勞來之書不云乎服  
田力穡乃亦有秋其曷之哉孝哀即位師丹輔政建言  
古之聖王莫不設井田然後治乃可平孝文皇帝承亡  
周亂秦兵革之後天下空虛故務勸農桑帥以節儉民  
始充實未有并兼之害故不為民田及奴婢為限今累  
世承平豪富吏民費數鉅萬而貧弱逾困蓋君子為政  
貴因循而重改作所以有改者將以救急也亦未可詳  
宜略為限天子下其議丞相孔光大司空何武奏請諸  
侯王列侯皆得名田國中列侯在長安公主名田縣道  
及關內侯吏民名田皆無過三十頃諸侯王奴婢二百  
人列侯公主百人關內侯吏民三十人期盡三年犯者  
沒入官時田宅奴婢賈為減賤丁傳用事董賢隆貴皆  
不便也詔書且須後須後遂寢不行孝平元始元年置  
大司農部丞十三人一人部一州勸農桑一年定墾田八  
百二十七萬五千三百頃蓋紀漢盛時之數據元始二  
百二十七萬三千六百有奇王莽篡位下今日古者  
田六十七畝百四十六步有奇

行也秦為無道壞聖制廢井田是以兼并起貪鄙生強  
者規田以千數弱者曾無立錫之居於是更名天下田  
曰王田奴婢曰私屬皆不得買賣其男口不盈八而田  
過一井者分餘田與九族鄉里鄉黨故無田今當受田  
者如制度敢有非井田聖制無法或眾者投諸四裔於  
是農商失業食貨俱廢百姓涕泣於市道坐賣買田宅  
奴婢自諸侯卿大夫至於庶人抵罪者不可勝數經二  
年餘中郎區博諫曰井田雖聖王法其廢已久周道既  
衰而人不從秦順人心改之可以獲大利故滅盧井而  
置阡陌遂王諸夏訖今海內未厭其弊今欲違人心追  
復千載絕迹雖堯舜復生而無百年之漸不能行也莽  
知人愁乃許買賣其後百姓日以凋弊○後漢之初百  
姓虛耗率土遺黎十纜一二光武建武十五年詔下州  
郡檢覆墾田頃畝及戶口年紀河南尹張伋及諸郡守  
十餘人坐度田不實下獄死順帝建康元年定墾田六  
百八十九萬六千二百七十一頃五十六畝九十四步  
據建康元年戶九百九十四萬六千荀悅論曰昔文帝  
九百九十萬戶合得田七十畝有奇  
十三年六月詔除人田租且古者十一而稅以為天下  
之中正今漢人田或百一而稅可謂鮮矣然豪富強人  
占田逾多其賦太半官收百一之稅而人輸豪強太半  
之賦官家之惠優於三代豪強之暴酷於亡秦是以惠  
不下通而威福分於豪人也今不正其本而務除租稅  
適足以資富強也孝武皇帝時董仲舒嘗言宜限人占  
田至哀帝時乃限人占田不得過三十頃雖有其制卒  
難施行然三十頃又不平矣且夫井田之制不宜於人  
眾之時田廣人寡苟為可也然欲廢之於寡立之於眾  
土田布列在豪強卒而革之並有怨心則生紛亂制度  
難行由是觀之若高祖初定天下光武中興之後人眾

稀少立之易矣既未悉備井田之法宜以口數占田為之立限人得耕種不得賣買以贖貧弱以防兼并且為制度張本不亦宜乎雖古今異制損益隨時然紀綱大略其致一也崔寔政論曰昔聖人分口耕耦地各相副適使人饑飽不變勞逸齊均富者不足借差貧者無所企慕始暴秦隳壞法度制人之財既無紀綱而乃尊獎并兼之人烏氏以牧豎致財寵比諸侯寡婦請以攻丹殖業禮以國寶於是巧猾之萌遂肆其意上家累鉅億之貲斥地俸封君之士行苞苴以亂執政養劍客以威黔首專殺不辜號無市死之子生死之奉多擬人主故下戶踣蹶無所時足乃父子低首奴事富人躬帥妻孥為之服役故富者席餘而日熾貧者躡短而歲蹙歷代為虜猶不贖於衣食生有終身之勤死有暴骨之憂歲小不登流離溝壑嫁妻賣子其所以傷心腐藏失生人之樂者蓋不可勝陳故古有移人通財以贍蒸黎今青徐兗冀後漢青州今北海濟南淄川東萊東牟高密平原等郡徐州今東海鄆彭城臨淮廣陵等郡魏郡今魏郡鄆郡鉅鹿清河常山趙郡博陵信都景城等郡人稠土狹不足相供而三輔左右及涼幽州內附近郡涼州今安定彭原之北天水隴西並其地皆土曠幽州今上谷范陽之北東至遼東並其地皆土曠人稀厥田宜稼悉不肯墾小人之情安土重遷窻就飢餒無適樂土之慮故人之為言賑也謂賑無所知識羣羊聚畜須主者牧養處置之茂草則肥澤繁息置之磽鹵則零丁耗減是以景帝六年詔郡國令人得去磽狹就寬肥至武帝遂徙關東貧人於隴西北地西河上郡會稽西今隴西天水金城會寧安鄉等郡地北西河今銀川新泰西河昌化等郡地延安咸宜洛交中部等郡地會稽今浙江東晉陵郡以東直至信安郡嘉凡七十二萬五千口後加徙得吏於關內今宜


復遵故事徒貧人不能自業者於寬地此亦開草闢土振人之術也仲長統昌言曰遠州縣界至數千而詣夏有十畝其桑之迫遠州有曠野不發之田代俗安土有死無去君長不使誰能自往緣邊之地亦可因罪徙人便以守禦○晉武帝泰始八年司徒石苞奏州郡農桑未有殿最之制宜增掾屬令史有所巡幸帝從之苞既明勸課百姓安之平吳之後有司奏王公以國為家京城不宜復有田宅今未暇作諸國郡當使城中有往來之處近郊有芻蕘之田今可限之國王公侯京城得有宅一處近郊田大國十五頃次國十頃小國七頃城內無宅城外有者皆聽留之男子一人占田七十畝女子三十畝其丁男課田五十畝丁女二十畝次丁男半之女則不課其官第一品五十頃每品減五頃以為差第九品十頃而又各以品之高卑蔭其親屬多者及九族少者三代宗室國寶先賢之後士人子孫亦如之而又得蔭人為衣食客及佃客量給官品以為差降自西有蔭客之制至東晉其數更加具賦稅上篇○宋孝武帝大明初羊希為尚書左丞時揚州刺史西陽王子尚上言山湖之禁雖有舊科人俗相因替而不奉許氣反山封水保為家利自頃以來頽弛日甚富強者兼嶺而占貧弱者薪蘇無託至漁採之地亦又如茲斯實害理之深弊請損益舊條更申恆制有司檢壬辰詔書擅占山澤強盜律論贓一貫以下皆棄市希以壬辰之制其禁嚴刻事既難遵理與時弛而占山封水漸染復滋更相因仍便成先業一朝頓去易致怨嗟今更刊革立制五條凡是山澤先恆焮爐力居種竹木薪果為林仍及陂湖江海魚梁鱸蟹七由反移反恆加工修作者聽不追舊官品第一第二品聽

占山三頃第三第四品二頃五十畝第五第六品二頃第七第八品一項五十畝第九品與百姓一項皆依定格條上賞簿若先已占山不得更占先占足若非前條舊業一不得禁有犯者水土一尺以上並計贓依常盜論除晉咸康二年壬辰之科從之時山陰縣人多田少孔靈符表請徒無賞之家於餘姚鄞莫侯反鄞三縣墾開湖田鄞則今餘姚郡地帝令公卿博議咸曰夫訓農修政有國所同土著之人習翫日久如京師無田不聞徙居他縣尋山陰豪族富室頃畝不少貧者肆力非為無處又緣湖居人魚鴨為業小人習始既難勸之未易遠廢之疇方翦荆棘率課窮乏其事彌難資徒粗立徐行無晚帝違眾讓徙人並成良業○後魏明帝承興中頻有水旱神瑞二年又不熟於是分簡九貧者就食山東敕有司勸課田農曰前志有之人生在勤勤則不匱凡庶人不畜者祭無牲不耕者祭無盛不樹者死無柳不蠶者衣無帛不績者喪無紼教行三農生殖九穀自是人皆力勸歲數豐穰畜牧滋息太武帝初為太子監國曾令有司課畿內之人使無牛家以人牛力相資墾殖鋤耨其有牛家與無牛家一人種田二十畝償以耘鋤功七畝如是為差至與老小無牛家種田七畝老者償以鋤功二畝皆以五口下貧家為率各列家別口數所種頃畝明立簿目所種者於地首標題姓名以辨播殖之功孝文太和元年三月詔曰去年牛疫死太半今東作既興人須肆業有牛者加勤於常歲無牛者倍備於餘年一夫制理四十畝中男二十畝無令人有餘力地有遺利時李安世上疏曰臣聞量入畫野經國大式邑地相參致理之本井稅之興其來日久田萊之數

制之以限蓋欲使土不曠功人罔遊力雄擅之家不獨膏腴之美單陋之夫亦有頃畝之分竊見州郡之人或因年儉流移棄賣田宅漂居異鄉事涉數代三長既立始返舊墟廬井荒涼桑榆改植事已歷遠易生假冒疆宗豪族肆其侵凌遠認晉魏之家近因親舊之驗年載稍久鄉老所戒羣證雖多莫可取據各附親知互有長短兩證徒具聽者猶疑爭訟遷延連紀不判良疇委而不開柔桑枯而不採欲令家豐歲儲人給資用其可得乎愚謂今雖桑井難復宜更均量審其徑術令分藝有准力業相稱細人獲資生之利豪右靡餘地之盈無私之澤乃播均於兆庶如阜如山可有積於此戶矣又所爭之田宜限年斷事久難明悉屬今主然後虛詐之人絕於覬覦守分之士免於淺奪帝深納之均田之制起於此矣九年下詔均給天下人田諸男夫十五以上受露田四十畝不栽樹者婦人二十畝奴婢依良丁牛一頭受田三十畝限四牛所授之田率倍之三易之田再倍之以供耕休及還受之盈縮人年及課則受田老免及身沒則還田奴婢牛隨有無以還受諸桑田不在還受之限但通入倍田分於分雖盈不得以充露田之數不足者以露田充倍諸初受田者男夫一人給田二十畝課時餘種桑五十樹棗五株榆三根非桑之土夫給一畝依法課時餘果及多種桑榆者不禁諸應還之田不得種桑榆棗果種者以違令論地入還分諸桑田皆為代業身終不還恒從見口有盈者無受無還不足者受種如法盈者得賣其盈不足者得買所不足不得賣其分亦不得買過所足諸麻布之土男夫及課別給麻田十畝婦人五畝奴婢依良皆從還受之法諸有舉戶

老小殘疾無受田者年十一以上及廢疾者各授以半夫田年踰七十者不還所受寡婦守志者雖免課亦受婦田諸還受人田恆以正月若始受田而身亡及賣買奴婢牛者皆至明年正月乃得還受諸土廣人稀之處隨力所及官借人種時後有來居者依法封授諸地狹之處有進丁授田而不樂遷者則以其家桑田為正田分又不足不給倍田又不足家內人別減分無桑之鄉準此為法樂遷者聽逐空荒不限異州他郡唯不聽避勞就逸其地足之處不得無故而移諸人有新居者三口給地一畝以為居室奴婢五口給一畝男女十五以上因其地分口課種茶五分畝之一諸一人之分正從正倍從倍不得隔越他畔進丁受田者恆從所近若同時俱受先貧後富再倍之田放此為法諸遠流配謫無子孫及戶絕者墟宅桑榆盡為公田以供授受授受之次給其所親未給之閒亦借其所親諸宰人之官各隨匠給公田刺史十五頃太守十頃治中別駕各八頃縣令郡丞六頃更代相付賣者坐如律職分田起於此

通典卷一



唐京兆杜佑君卿纂

食貨二

田制下 北齊 後周 隋 大唐

北齊給授田令仍依魏朝每年十月普令轉授成丁而授丁老而退不聽賣易文宣帝天保八年議徙冀定瀛無田之人謂之樂遷於幽州寬鄉以處之秦漢州郡則大魏晉年代又遠改移分析或未易知以此要有解釋近武成帝河代制置今多因習則不假舉敘他皆類此清三年詔每歲春月各依鄉土早晚課人農桑自春及秋男子十五以上皆營蠶桑孟冬布田畝蠶桑之月婦女十五以上皆營蠶桑孟冬刺史聽審教之優劣定殿最之科品有人力無牛或有牛無人力者須令相便皆得納種使地無遺利人無遊手又令男子率以十八受田輪租調二十充兵六十免力役六十六退田免租調京城四面諸方之外三十里內為公田受公田者三縣代遷戶職事官一品以下逮於羽林武賁各有差其外畿郡華人官第一品以下羽林武賁以上各有差職事及百姓請墾田者名為承業田奴婢受田者親王止三百人嗣王二百人第二品嗣王以下及庶姓王百五十人正三品以上及皇宗百人七品以上八十八人八品以上至庶人六十人奴婢限外不給田者皆不輸其方百里外及州人一夫受露田八十畝婦人四十畝奴婢依良人限數與者在京百官同丁牛一頭受田六十畝限止四牛每丁給承業二十畝為桑田其田中種桑五十根榆三根棗五根不在還受之限非此田者悉入還受之分土不宜桑者給麻田如桑田法關東風俗傳曰其時強弱相凌恃勢侵奪富有連畛互陌貧無立錐之

地昔漢氏募人徙田恐遺墾課令就良美而齊氏全無斟酌雖有當年權格時暫施行爭地文案有三十年不了者此由授受無法者也其賜田者謂公田及諸橫賜之田魏令職分公田不問貴賤一人一頃以供芻秣自宣武出獵以來始以承賜得聽買賣遷鄰之始濫職眾多所得公田悉從貨易又天保之代曾遙壓首人田以充公簿比武平以後橫賜諸貴及外戚佞寵之家亦以盡矣又河清山澤有司耕墾肥饒之處悉是豪勢或借或請編戶之人不得一壘糾實者依令口分之外知有買匿聽相糾列還以此地賞之至有貧人實非贖長買匿者苟貪錢貨詐吐壯丁口分以與糾人亦既無田即使逃走帖賣者帖荒田七年熟田五年錢還地還依令聽許露田雖復不聽買賣買賣亦無重責貧戶因王課不濟率多貨賣田業至春困急輕致藏走亦懶惰之人雖存田地不肯肆力在外浮遊三正賣其口田以供租課比來頗有還人之格欲以招慰逃散假使還即賣所得之地地盡還走雖有還名終不肯住正由縣聽其賣帖田園故也廣占者依令奴婢請田亦與良人相似以無田之良口比有地之奴牛宋世良天保中獻書請以富家牛地先給貧人其時期列稱其合理宋孝王撰後周文帝霸政之初創置六官司均掌田里之政令凡人口十以上宅五畝口七以上宅四畝口五以下宅三畝有室者田百四十畝丁者田百畝○隋文帝令自諸王下至於都督皆給承業田各有差多者至百頃少者至三十頃其丁男中男承業露田皆遵後齊之制並課樹以桑榆及棗其田宅率三口給一畝京官又給職分田一品者給田五頃至五品則為田三頃其下每品以

五十畝為差至九品為一頃外官亦各有職分田又給公廩田以供用開皇九年任墾田千九百四十萬四千二百六十七頃隋開皇中戶總八百九十萬七千五百三十六按定墾之數每戶合墾田二頃餘也開皇十二年文帝以天下戶口歲增京輔及三河地少而人眾衣食不給議者咸欲徙就寬鄉帝乃發使四方出均天下之田其狹鄉每丁纔至二十畝老小又少焉至大業中天下墾田五千五百八十五萬四千四十頃按其時有戶八百九十萬餘恐本史非實○大唐開元二十五年令田廣一步長二百四十步為畝百畝為頃自秦漢以降即二百四十步為畝非獨始於國家蓋頃今文耳國家程式雖則具存今所在纂錄不可悉載但取其朝夕要切丁男給承業田二十畝口分田八十畝其中男年十八以上亦依丁男給老男篤疾廢疾各給口分田四十畝寡妻妾各給口分田三十畝先承業者通充口分之數黃小中丁男子及老男篤疾廢疾寡妻妾當戶者各給承業田二十畝口分田二十畝應給寬鄉並依所定數若狹鄉所受者減寬鄉口分之半其給口分田者易田則倍給寬鄉三易以上者其承業田親王百頃職事官正一品六十頃郡王及職事官從一品各五十頃國公若職事官正二品各四十頃郡公若職事官從二品各三十五頃縣公若職事官正三品各二十五頃職事官從三品二十頃侯若職事官正四品各十四頃伯若職事官從四品各十頃子若職事官正五品各八頃男若職事官從五品各五頃上柱國三十頃柱國二十五頃上護軍二十頃護軍十五頃上輕車都尉十頃輕車都尉七頃上騎都尉六頃騎都尉四頃驍騎尉飛騎尉各八十畝雲騎尉武騎尉各六十畝其散官五品以上同職事給兼有官爵及勳俱應給



者唯從多不並給若當家口分之外先有地非狹鄉者並即迴受有贖追收不足者更給諸承業田皆傳子孫不在收授之限即子孫犯名者所承之地亦不追每畝課種桑五十根以上榆棗各十根以上三年種畢鄉土不宜者任以所宜樹充所給五品以上承業田皆不得狹鄉受任於寬鄉隔越射無主荒地充即買蔭賜田充者雖狹鄉亦其六品以下承業即聽本鄉取還公田充願於寬鄉取者亦聽應賜人田非指的處所者不得狹鄉給其應給承業人若官爵之內有解免者從所解者追即解免隨所降其除名者依口分例給自外及有賜田者並追若當家之內有官爵及少口分應受者並聽迴給有贖追收其因官爵應得承業未請及未足而身亡者子孫不合追請也諸襲爵者唯得承父祖承業不合別請若父祖未請及未足而身亡者減始受封者之半給其州縣縣界內所有部受田悉足者為寬鄉不足者為狹鄉諸狹鄉田不足者聽於寬鄉遙受應給園宅地者良口三口以下給一畝每三口加一畝賤口五口給一畝每五口加一畝並不入承業口分之限其京城及州郡縣郭下園宅不在此例諸京官文武職事職分田一品一十二頃二品十頃三品九頃四品七頃五品六頃六品四頃七品三頃五十畝八品二頃五十畝九品二頃並去京城百里內給其京兆河南府及京縣官人職分田亦準此即百里外給者亦聽諸州及都護府親王府官人職分田二品一十二頃三品一十頃四品八頃五品七頃六品五頃京畿縣亦準此七品四頃八品三頃九品二頃五十畝鎮成關津岳瀆及在外監官五品五頃六品三頃五十畝七品三頃八品二頃九品一頃五十畝三衛

中郎將上府折衝都尉各六頃中府五頃五十畝下府及郎將各五頃上府果毅都尉四頃中府三頃五十畝下府三頃上府長史別將各三頃中府下府各二頃五十畝親王府典軍五頃五十畝副典軍四頃千牛備身左右太子千牛備身各三頃親王府文武官隨府諸軍出藩者於在所處給諸軍上折衝府兵曹二頃中府下府各一頃五十畝其外軍校尉一頃二十畝旅師一頃隊正副各八十畝皆於領所州縣界內給其校尉以下在本縣及去家百里內領者不給諸驛封田皆隨近給每馬一匹給地四十畝若驛側有牧馬之處匹各減五畝其傳送馬每匹給田二十畝諸庶人有身死家貧無以供葬者聽賣承業田即流移者亦如之樂遷就寬鄉者并聽賣口分賣充住宅者雖非樂遷亦聽私賣諸買地者不得過本制雖居狹鄉亦聽依寬制其賣者不得更請凡買賣皆須經所部官司申牒年終彼此除附若無文牒輒賣買財沒不追地還本土諸以工商為業者承業口分田各減半給之在狹鄉者並不給諸因王事沒落外藩不還有親屬同居其身分之地六年乃追身還之日隨便先給即身死王事者其子孫雖未成丁身分地勿追其因戰傷及篤疾廢疾者亦不追地還本土若從遠役外任無人守業者聽貼賃及質其官人承業田及賜田欲賣及貼賃者皆不在禁限諸給口分田務從便近不得隔越若因州縣改易隸地入他境及大牙相接者聽依舊受其城居之人本縣無田者聽隔縣受雖有此制開元之季天寶以來法令弛壞兼并之弊有踰於漢成哀之間又田合在京諸司及天下府州縣兼折衝府鎮成關津嶽瀆等公廩田職分田各有差諸職分陸田限三月三十

日稻田限四月三十日以前上者並入後人以後上者入前人其麥田以九月三十日為限若前人自耕未種後人酬其功直已自種者准租分法其價六斗以下者依舊定以上者不得過六斗並取情願不得抑配親王出藩者給地一頃作園若城內無可開拓者於近城便給如無官田取百姓地充其地給好地替天寶中應受田一千四百三十萬三千八百六十二頃十三畝按十有戶八百九十萬餘計定墾之數每戶合一頃六十餘畝至建中初分墾墾使按比墾田田數都得百十餘萬

水利田周 秦 漢 後漢 晉 東晉 宋 後魏 大唐 魏文侯使李悝作盡地力之教以為地方百里提封九萬頃除山澤邑居三分去一為田六百萬畝理田勤謹則畝益三斗不勤則損亦如之地方百里之增減輒為粟百八十萬石必雜五種以備災害力耕數耘收穫如寇盜之至謂促遽之甚恐還廬樹桑也還廬菜茹有畦瓜瓠果蔬木實曰果草實曰蔬殖於疆場至會係襄王以史起為鄴令起進曰魏氏之行田也以百畝賦田之法一夫百畝鄴獨二百畝是田惡也漳水在其旁西門豹為鄴令不知用是不知也於是遂引漳水溉鄴以富魏之河內民歌之曰鄴有賢令為史公決漳水小兮灌鄴旁終古焉馬齒即斥鹵也鹵鹹苦也謂鹹之其後韓聞秦之好興事欲疲之無令東伐乃使水工鄭國開說秦令鑿涇水自仲山西抵瓠口為渠並蒲 瓠北山東注洛三百餘里欲以溉田中作而覺秦欲殺國國曰始臣為閒然渠成亦秦之利也秦以為然卒使就渠渠就注填閼之水溉馬齒之地四萬餘頃收皆畝一鍾於是關中為沃野無凶年命曰鄭國渠與 關 同秦平天下以